



Vol. 5 (神方上)

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

Princeton University Library Disclaimer

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbcs.princeton.edu/policies/forms-citation>.

Citation Information

Vol. 5 (神方上)

Contact Information


Download Information

Date Rendered: 2019-09-10 11:52:19 PM UTC

Available Online at: <http://arks.princeton.edu/ark:/88435/nk322j69t>

51

TC83/1848
v.5



扁鵲心書神方

古神醫盧人扁鵲傳



宋太醫真定竇材重集

大清錢塘胡珏參訂

金液丹

一名保元丹 一名壯陽丹

余幼得王氏博濟方云此丹治百種欲死大病竊嘗笑之恐無是理比得扁鵲方以此冠首乃敢遵用試之于人屢有奇効始信聖人立法非不神也乃不信者自誤耳此方古今盛行莫有疑議及孫真人著千金方乃言疏

黃許多利害後人畏之遂不敢用亦是後人
該墮天折故棄大藥而求諸草木何能起大
病哉余觀今人之病皆以溫平藥養死而不
知悔余以此丹起數十年大病于頃刻何有
發疽之說孫真人之過也凡我同志請試驗
之自見奇効

此丹治二十種陰疽三十種風疾一切虛勞
水腫脾泄注下休息痢消渴肺脹大小便閉
吐衄尿血霍亂吐瀉目中內障尸厥氣厥骨
蒸潮熱陰證陰毒心腹疼痛心下作痞小腹

兩脇急痛胃寒水穀不化日久膀胱疝氣膨
膈女人子宮虛寒久無子息赤白帶下臍腹
作痛小兒急慢驚風一切疑難大病治之無
不効驗

舶上硫黃十斤用銅鍋熬化麻布濾淨傾入水中再
熬再傾如此七次研細入陽城罐內蓋頂鉄絲紮定
外以鹽泥封固八分厚陰乾先慢火煨紅次加烈火
煨一炷香寒爐取出埋地中三日去火毒再研如粉
煮蒸餅爲丸梧子大每服五十丸或三十丸小兒十
五丸元氣虛人宜常服之益壽延年功力最大一切

牛馬六畜吐食者灌硫末立愈一切雞鵝鴨瘦而欲死者飼以硫末可以立愈且易肥

作蒸餅法。清明前一日將乾麴打成薄餅內放乾麴包裹陰乾

保命延壽丹

此丹治癰疽虛勞中風水腫臃脹脾泄久痢久瘧尸厥兩脇連心痛夢泄遺精女人血崩白帶童子骨蒸勞熱一切虛羸黃黑疽急慢驚風百餘種欲死大病皆能治之一粒勝金液丹十粒久服延年益壽

硫黃

明雄黃

辰砂

赤石脂

紫石英

陽起石

火煨醋淬三次

每味各二兩研作粗末同入陽城罐蓋頂鐵絲紮定鹽泥封固厚一寸陰乾掘地作坑下埋一半上露一半烈火煨一日夜寒爐取出研細醋丸梧子大每服十粒空心送下童男女五粒小兒二三粒俱見成效

大丹

此丹補腎氣駐顏色活血脈壯筋骨輕步履明耳目延年益壽治虛勞發熱咳嗽咯血骨

蒸盜汗怔忡驚悸一切陰疽冷漏小兒斑痘
縮陷水腫臃脹黃黑疽一切虛羸大病功全
延壽丹常服可壽百歲餘但富貴人方得合
此貧者難合只服金液丹亦妙也

大硃砂一斤

要有牆壁者

爲粗末入陽城罐先用蜜拌安

砂在底次以瞿麥末草烏末蒺藜末各五錢以雞子
清五錢拌勻蓋在砂上以罐蓋蓋佳鐵絲紮好鹽泥
封固陰乾掘地作坑下埋五分以上露五分烈火煨一
日夜寒爐取出研細醋打半夏糊丸芡實大滑石爲
衣以發光彩銀器收貯每服五粒或三粒空心面東

熱酒下。凡用入藥中并爲衣者俱如此製則無毒
可放心服

中丹

此丹補腎氣壯筋骨延年不老治脾瘡黃黑
疸脾泄久痢虛腫水腫女人血崩白帶骨蒸
勞熱小兒急慢驚風及暴注腸滑洞泄中風
諸般瘡毒皆効

雄黃

十兩

赤石脂

二兩

共爲粗末亦用前五味拌製如大丹法取研極細
醋糊丸芡實大大人服十九小兒三五丸空心熱

酒或米飲下

三黃丹

此丹治中滿胸膈痞悶中風痰喘氣急大便虛秘功與中丹同但畧峻耳

雄黃

雌黃

硫黃

各五兩爲粗末製法如大丹研極細醋糊丸芡實大每服十丸空心米飲下

四神丹

此丹治病功力與延壽丹同治虛證更多能止怔忡驚悸諸般大病

同前三黃丹外加辰砂五錢

製法合法丸法俱如前每服四十丸空心白湯下

五福丹

此丹功力與延壽丹中丹同又能壯陽治陽痿干腎虛之人功效更多

雄黃

雌黃

硫黃

辰砂

陽起石

各五兩製法合法丸法皆如前每服三四十九空心米飲下

紫金丹

此丹補脾腎虛損活血壯筋骨治下元虛憊

子宮寒冷月信不調臍腹連腰疼痛面黃肌瘦泄瀉精滑一切虛損之證

代赭石

燒紅醋淬七次

赤石脂

製法全

禹餘糧

製法全

各五兩共研細末入陽城罐鹽泥封固一寸厚陰乾大火煨三炷香冷定再研極細醋糊丸芡實大每服十丸熱酒送下

全真丹

此丹補脾腎虛損和胃健下元進飲食行濕氣治心腹刺痛胸滿氣逆脇下痛心腹脹痛小便頻數四肢厥冷時發潮熱吐逆泄瀉暑

月食冷物不消氣逆痞悶男女小兒面目浮腫小便赤澁淋瀝一切虛寒之證

高良薑

炒四兩

乾薑

炒四兩

吳茱萸

炒三兩

大附子

製

陳皮

青皮

各二兩

右爲末醋糊丸梧子大每服五十丸小兒三十丸米飲下無病及壯實人不宜多服

來復丹

此丹治飲食傷脾心腹作痛胸膈飽悶四肢厥冷又治傷寒陰證女人血氣刺痛或攻心腹或兒枕作痛及諸鬱結之氣真良方也

陳皮去白

青皮

大川附製

五靈脂各六兩

消石

硫黃各三兩

右為末蒸餅丸梧子大每服五十丸白湯下

草神丹

此丹大補脾腎治陰毒傷寒陰疽痔漏水腫
 噤脹中風半身不遂脾泄暴注久痢黃黑疽
 虛勞發熱咳嗽咯血兩脇連心痛胸膈痞悶
 脇中如流水聲童子骨蒸小兒急慢驚風痘
 疹變黑縮陷氣厥卒仆雙目內障吞酸逆氣
 痞積血塊大小便不禁奔豚疝氣附骨疽兩

足少力虛汗不止男子遺精夢泄沙石淋溺
 血婦人血崩血淋暑月傷食腹痛嘔吐痰涎
 一切疑難大病此丹乃藥中韓信也取効最
 速好生君子廣試驗之知不誣也

川附子製五兩

吳茱萸泡二兩

肉桂二兩

琥珀五錢用柏子

辰砂五錢另研

麝香二錢另研

先將前三味為細末後入琥珀辰砂麝香三味共
 研極勻蒸餅丸梧子大每服五十丸米飲下小兒

十丸

神方
 薑附丹

此丹補虛助陽消陰治傷寒陰證癰疽發背
心胸作痛心腹痞悶喉痺頤項腫湯水不下
及虛勞發熱咳嗽吐血男婦骨蒸勞熱小兒
急慢驚風痘疹縮陷黑泡水泡斑脾勞面黃
肌瘦腎勞面白骨弱兩目昏翳內障脾瘧久
痢水瀉米穀不化又能解利兩感傷寒天行
瘟疫山嵐瘴氣及不時感冒等證

生薑

切片五兩

川附子

炮切片童便浸再加薑汁炒乾五兩

共爲末每服四錢水一盞煎七分和渣服

若治中風不語半身不遂去附子用川烏

去黑皮製法與

附子
同

霹靂湯

治脾胃虛弱因傷生冷成泄瀉米穀不化或
脹或痛或痞胸脇連心痛兩脇作脹單腹脹
脹霍亂吐瀉中風半身不遂脾瘧黃疸陰疽
入蝕骨髓痘疹黑陷急慢驚風氣厥發昏又
能解利陰陽傷寒諸般冷病寒氣

川附

泡去皮臍五兩

桂心

去皮盡二兩

當歸

二兩

甘草

一兩

共爲細末每服五錢水一大盞生薑七片煎至六
分和渣通口服小兒止一錢

救生湯

治一切癰疽發背三十六種疔二十種腫毒
若初起憎寒壯熱一服卽熱退身涼重者減
半輕者全愈女人乳癰乳巖初起薑蔥發汗
立愈又治手足痰塊紅腫疼痛一服卽消久
年陰寒冷漏病一切瘡毒服之神効

芍藥

炒酒

當歸

洗酒

木香

忌火

丁香

各五錢

川附

炮二兩

共爲細末每服五錢加生薑十片水二盞煎半和
渣服隨病上下食前後服

鍾乳粉

治勞咳咯血老人上氣不得臥或膈氣腹脹
久咳不止及喉風喉腫兩目昏障童男女骨
蒸勞熱小兒驚風胎前產後發昏不省人事
一切虛病能先于臍下灸三百壯後服此藥
見効如神蓋虛勞乃腎氣欲脫不能上榮于
肺此藥是潤肺生水之劑後因邪說盛行以
致此藥隱閑丹溪云多服發渴淋此言甚謬
余家大人服三十年未嘗有此疾故敢附此
○服此藥須忌人參白朮二味

石鍾乳一斤煨成粉

製法見李時珍本草內

再入石鼎煮三炷

香研極細每服三錢煎粟米湯下但此藥難得真者多以滴乳石亂之真者浮水性鬆煨易成粉

萆澄茄散

治脾胃虛滿寒氣上攻于心心腹刺痛兩脇作脹頭昏四肢困倦吐逆發熱泄瀉飽悶等證

萆澄茄

高良薑

肉桂

丁香

厚朴

薑汁炒

桔梗

去蘆

陳皮

三稜

泡醋炒

甘草

各一兩五錢

香附

製三兩

為細末每服四錢薑三片水一盞煎七分和渣服

半硫丸

治胃虛心腹脹滿嘔吐痰涎頭目旋暈困倦不食或大便滑泄水穀不化小兒面目浮腫小便赤淋

半夏

薑礬牙皂煎水炒

倭硫

生薑

各五兩全搗碎水浸蒸餅糊丸梧子大每服五十丸小兒二三十丸白湯下

滲濕湯

治脾胃虛寒四肢困倦骨節痠疼頭暈鼻塞惡風多虛汗痰飲不清胸滿氣促心腹脹悶

兩脇刺痛霍亂吐瀉此藥能煖脾胃辟風寒祛瘴疫除風濕

厚朴二兩

丁香

甘草

附子各一兩

砂仁

乾薑

肉果麴裏煨透

高良薑各八錢

剉碎每用五錢加薑三片棗三枚水一盞煎七分去渣空心服

生薑半夏湯

治風痰上攻頭旋眼花痰壅作嗽面目浮腫

生薑

半夏各三兩

共搗餅陰乾爲末每服四錢加薑五片水煎溫服

附子半夏湯

治胃虛冷痰上攻頭目旋暈眼昏嘔吐等證

川附

生薑各一兩

半夏

陳皮去白各二兩

共爲末每服七錢加薑七片水煎服

平胃湯

治老人氣喘咳嗽

葶藶

炒一兩

官桂

去粗皮一兩另研

馬兜鈴

去絲蒂三兩

共爲末每用三錢水一盞煎七分於食後細細呷之

太白丹

療咳嗽化痰涎

枯礬煨

寒水石煨

元精石煨各四兩

半夏製

天蟲炒去絲

天南星製

白附子各二兩

右爲末，麪糊丸，麪糊即蒸餅也梧子大，每服三十九，食後

薑湯下

鹿茸丸

溫補下元，疏通血脉，明目輕身

鹿茸

一具去毛酥炙

鹿角霜二兩

川楝子炒取淨肉

青皮

木香各一兩

右爲末，蒸餅丸，梧子大，每服三十九，空心鹽湯下

黃藥子散

治纏喉風，頤頤腫，及胸膈有痰，湯水不下者

用此吐之

黃藥子

即斑根一兩

爲細末，每服一錢，白湯下，吐出頑痰

即愈

八風湯

治中風，半身不遂，言語蹇塞，口眼喎斜，先灸臍下三百壯，後服此藥，永不再發，若不加灸，三年後仍發也

當歸

防己

人參

秦艽

官桂

防風 釵斛 芍藥 黃芪 甘草

川芎 紫苑 石膏 白蘚皮 川烏

川羌活 川獨活 黃芩 麻黃去節 乾薑

遠志

各等分，剉為末，每服五錢，水酒各半，煎八分，食前服。

八風丹

治中風，半身不遂，手足頑麻，言語蹇塞，口眼喎斜，服八風湯，再服此丹，永不再發。

大川烏炮 荆芥穗各四兩 當歸二兩 麝香另研五錢

右為末，酒糊丸，梧子大，空心酒下五十丸。○中風者不可缺此。

換骨丹

治中風，半身不遂，言語蹇澀，失音，中風者，先灸臍下三百壯，服金液丹一斤，再服此藥。

當歸 芍藥 人參 鐵腳威靈仙各二兩

南星三兩 乳香去油二兩 沒藥去油二兩 麻黃去節三斤，另煎汁和上藥

右各為末，先將前五味和勻，後入乳香、沒藥，以麻黃膏和勻為丸，如彈子大，每以無灰酒下一丸，出汗五日，一服，仍常服延壽丹、金液丹。

三五七散

治賊風入耳口眼喎斜之證

人參

麻黃去節

川芎

官桂

當歸

以上各一兩

川烏

甘草

各五錢

右爲末每服二錢茶下日三次

蜜犀丸

治半身不遂口眼喎斜語言不利小兒驚風

發搐

槐角

炒四兩

當歸

川烏

元參

炒各二兩

麻黃

茯苓乳拌

防風

薄荷

甘草

各一兩

猪牙皂角

去皮弦子炒五錢

冰片

五分另研

先以前十味爲末後入冰片和勻蜜丸櫻桃大每服一丸小兒半丸細嚼茶清下

白龍丸

治風邪言語不遂等證面如蠱行手足麻木頭旋眼暈及傷風傷寒頭痛拘急小兒急慢驚風大人風搐失音並皆治之

天南星

四兩以生薑四兩全搗成餅

川烏

甘草

藁本

甘松

白芷

桂心

各二兩

海桐皮

一兩

石膏

二兩煨研極細

以前八味共爲末糯米糊丸彈子大石膏爲衣茶清下大人一丸小兒半丸若治傷寒薑蔥湯下出汗

華蓋散

治傷寒頭痛發熱拘急感冒鼻多清涕聲音不清大能解利四時傷寒瘟疫瘴氣等證

麻黃

四兩浸去沫

蒼朮

八兩米泔浸

陳皮

官桂

杏仁

去皮

甘草

各二兩

共爲末每服四錢水盞半煎八分食前熱服取汗

祛風散

治風寒頭痛遍身拘急破傷風洗頭風牙槽風肩背痠直口噤

天南星

二兩泡

生薑

一兩全南星製

防風

二兩

甘草

一兩

共爲末每服四錢薑七片水煎服取汗無汗再服

當歸柴胡湯

治傷寒頭痛發熱惡寒支節痛吐逆

柴胡

五錢

半夏

二錢錢以生薑一錢同搗

當歸

一錢

甘草

五分

加薑棗以水二盞煎至八分熱服取汗微微卽止

大通散

治傷寒胃中有熱或服熱藥太多發狂言棄衣而走登高而歌或腹痛下血但實熱者用之虛人大忌

大黃二錢

枳實二錢

甘草一錢

水煎空心熱服不利再服得利即止

知母黃芩湯

治傷寒胃中有熱心覺懊憹六脈洪數或大便下血

知母二錢

黃芩二錢

甘草一錢

水煎熱服

當歸芍藥湯

治中暑下血血痢腹痛

當歸

芍藥各二錢

水煎熱服

四順散

治中暑冷熱不調大便下赤白膿

川黃連酒炒

當歸

芍藥各二錢

御米殼去隔膜醋炒二錢

加生薑七片水煎食前熱服

知母散

解一切煩熱口乾作渴飲水若係實熱皆以此解之不損元氣若困倦減食者乃胃虛發熱也不可服涼藥當以溫中爲主

知母五錢

鹽水炒研末

薑三片水一盞煎六分溫服

木附湯

治六七月申濕頭疼發熱惡寒自汗徧身疼痛

附子

炮一兩

白朮

土炒二兩

甘草

炒五錢

共爲末每服五錢薑七片水煎熱服

截瘡丹

治一切瘡疾但瘡不宜截宜補

硫黃

一兩

雌黃

色紅出陰山一兩

砒霜

錢一

爲末入罐內鹽泥封固陰乾打火三香冷定取出醋糊丸梧子大每服五丸空心米飲下○凡用砒要將蘿蔔切去蓋下段挖空入砒以蓋蓋好紙包火煨透存性取出今此丹係打火煉過不必蘿蔔製

良薑理中湯

爲丸時須研和極勻若欠勻恐砒有多有少多處或致損傷人命

治虛瘡久瘡脾胃虛弱若初起爲冷物所傷

亦用此方

高良薑

乾薑炒

草果去殼炒

各二兩爲末，每服四錢，水煎空心服。

建中湯

治久發瘧疾，脾胃虛弱，胸膈腹中飽悶，痞塊兩脇連心痛，四肢沉重，發熱泄瀉，羸瘦等證。

附子炮

白朮上炒各二兩

芍藥酒炒四兩

甘草炒

乾薑炒

草果去殼炒各一兩

爲末，每服五錢，水煎熱服。

二聖散

治脾胃虛寒，嘔吐不食。

硫黃五兩

水銀五兩

共研末，全炒，再研細，每服三錢，米湯下。小兒一錢薑湯亦可。炒成青砂頭，亦治翻胃，膈食，吐痰神効。

八仙丸

治脾胃久冷，大便泄瀉，腸中疝痛，米穀不化，飲食不進等證。

附子炮

高良薑

藜蘆

砂仁

肉荳蔻

生薑各一兩

厚朴四兩薑汁製

爲末醋糊丸梧子大米飲下五十丸

厚腸丸

治脾虛傷食大便下赤白膿腸鳴腹痛泄下米穀不化小兒脾虛滑泄脫肛疳瘦等證

川烏

炮

肉桂

硫黃

另研

赤石脂

煨各一兩

乾薑

煨二兩

爲末糯米糊丸梧子大每服五十丸白湯下

阿膠丸

治冷熱不調下痢赤白

黃連

黃柏

鹽水炒

當歸

各一兩

烏梅肉

炒一兩

芍藥

二兩

阿膠

蛤粉炒一兩

爲末蒸餅丸梧子大白湯下五十丸

桃花丸

治腸胃虛下赤白膿小兒脫肛極効

乾薑

炒二兩

赤石脂

煨二兩

爲末米糊丸梧子大米飲下五十丸

如聖餅

治大腸冷熱不調下赤白痢及大人小兒一切積滯

密陀僧

錢五

訶子

大者八箇火煨去核

硫黃

錢三

輕粉二錢

石燕一對洗淨
燒紅酒燂

爲末麪糊丸龍眼大捏作餅每用一餅入灰中畧煨熱茶清下

珍珠散

治大人小兒霍亂吐瀉

硫黃

滑石

各二兩共爲細末每服二錢白湯下不愈再服小兒一錢

少陽丹

能解利兩感傷寒瘟疫瘴氣

消石

硫黃

五靈脂醋炒

青皮

陳皮

麻黃

各二兩爲末先以硝石炒成珠和諸末米糊丸棗豆大白湯下五十丸再以熱湯催汗

中和湯

治傷寒瘟疫頭目昏痛發熱鼻流清涕服此不致傳染

蒼朮

一斤
米泔浸

川烏

炮

厚朴

薑製

陳皮

甘草

各四兩

草果

二兩

共爲末每用四錢生薑七片水煎和渣服

還睛丹

治脾腎虛衰精血不生致雙目成內障

磁石

活者火煨醋淬七次

硫黃

雄黃

雌黃

各二兩共為粗末入罐打三炷香冷定取出研細配後藥

鍾乳粉

附子

台椒

炒出汗各二兩

共為末醋糊丸梧子大每服二十九丸空心米飲下
日二服半月覺熱攻眼勿懼乃腎氣潮眼陽光復
生也熱時用兩手搓熱揉之揉一番光明一番六
十日後復明藥盡再服一料

密蒙花散

治風熱攻眼昏睛多眵隱澁羞明或癢或痛
漸生翳膜或患頭風在先牽引兩眼漸覺細
小及暴赤腫痛

密蒙花

木賊

去節

川羌活

甘菊花

白蒺藜

炒去刺

石決明

煨再用鹽水煎

各等分為末食後茶清下三錢

撥雲散

治上焦壅熱眼目赤腫疼痛或生翳障先服
洗肝散後服此藥

荆芥穗

川芎

防風

各二兩

枳殼

炒

蟬退去翅足

薄荷

龍膽草

甘草各五錢

共為末每服二錢食後服

洗肝散

治藏火太過壅熱攻目或翳障疼痛

大黃二錢

黃芩三錢

水煎食前服

補肝丸

能補肝腎之氣服還睛丸後多服此藥

台椒炒

仙靈脾剪去遍莖蜜水炙白蒺藜炒去刺

各等分為末酒糊丸梧子大空心米湯下三十丸

